

'ի թագաւորեալ քաղաքի անդ, վասն օրէնսդրութեան Արքայի՝ (Նիզամի ճէտիտ), և միաբանեալ եէնիչէրի զօրաց բարձին յԱթոռոյ զՍուլթան Սէլիմ Գ. եւ եղին 'ի տեղի նորա զՄուստաֆա, և ոմանք 'ի նախարարաց մասնեցան 'ի սուր, որոց խոստացեալ էր տալ Յունաց զժառանգութիւնն Հայոց: Եւ 'ի ժամանակի խռովութեանս յայսմիկ մեկնեցաւ Պօղոս վարդապետ 'ի Զմիւռնիա 'ի գործ Նուիրակութեան: Առաքեցան յերուսաղէմէ Մարկոս Եպիսկոպոս և Մկրտիչ վարդապետ Մեղրիկ: Եւ զինի անցանելոյ աւուրց ինչ գայր հասանէր յԻււուսթուխէ Մուստաֆա Փաշայ, այր հզօր և անպարտելի. 'ի խորտակել զգրունս Արքունեաց՝ խեղդեցաւ Սէլիմ Արքայ յիւրոց, էջ և Սուլթան Մուստաֆա յԱթոռոյն: Ամբարձաւ 'ի գահ Կայսերութեան Օսմանեան եղբայր նորին Սուլթան Մահմուտ Բ. այր զգօն և արդարակորով՝ յաջողակ յամենայն գործս Կայսերական կառավարութեան, յորմէ սարսեալ դողայր ապստամբ և ստահակ խումբ եէնիչէրեաց: Սորա սեղանաւորք՝ և Գաբուտան Փաշայի՝ ծանօթ էին Յարութիւն և Յակօր հայկազն յարգելիք, որք և ծանուցին ըզխնդիրն Մուստաֆա Փաշայ մեծի վէզիրին, և նա խոստացաւ կարգաւորել զխնդիրն յերուսաղէմ ըստ նախնական սովորութեան:

Գ Լ Ո Ւ Խ Ի .

Խառնութիւն տղազգեաց Երուսաղէմի: Հաշիւ Ս. Աթոռոյն: Միաբանութիւն Հայոց ընդդէմ Յունաց: Քաղաքական դեպք: Հրդէհ 'ի տաճարին Ս. Յարութեան:

Եւ եղեւ ընդ աւուրսն ընդ այնոսիկ կարգեցաւ կուսակալ Դամասկոսի Կէնճ Եուսուֆ Փաշայ, որոյ համբաւ գործոցն հասեալ յերուսաղէմ, սարսեցոյց զընակիչս, առաւել եւս զվանականս, զի 'ի գալստեան նորին՝ բանային դրունք մեծամեծ ծախուց և տուգանաց. զի թէպէտեւ յառաջագոյն խնդրեալ էին յատուկ Կառավարիչ Երուսաղէմի՝ որպէս դրեցաք, այլ չեղեւ յաջողութիւն այնմ 'ի